

620193

有泰駐藏日記

第十二冊

有泰齋藏日記

卷一

有泰駐藏日記卷十二

吳豐培 整理

光緒三十二年歲次丙午閏四月初一日辰刻恭赴大招萬歲牌前行禮。早起見院中桃杏松柳樹上雪壓枝皆倒。昨夜雨雪不斷。現已小滿後。如在內地。必以為奇矣。現將田禾種上。正盼雨。得此以為樂。化臣來達隆胡圖克圖名阿旺洛桑稱勒覺彌色巫即到在

二堂見送長壽佛等件。令其墊子面東坐。面西各委員坐。伊當面送色榮一個。江卡一個。問其京內如何。據云一切平安。惟八月稍覺不靜。無大碍也。藏內無事。惟瞻對若要之。恐康巴路不靜。旋委員等皆令其送江卡。閤署人均來求其摸頭者。給錢求

江卡者小孩亦都來磕頭其在外每日人不斷皆稱活佛伊係
白教與紅教以術行非黃教比也旋辭去賞其尺頭茶葉等項
午後至園四山俱雪池水略長鶴孫旋來接靖西來電並非秘
碼係張大人給松糧務之電松之模糊可發一笑晚飯後復至
園轉洋務局均到（半陰晴）

初二日寫家信一封

信內寫初三日隨初四日摺差走

略敘接到信三封至格

淘氣有趣蟲草不能帶珍珠雞或可帶鳳太太不收分金真明
白利害壽嚕如去信趕緊寄來彩票乃犯財迷之事大姐桂
子打得大喜大喜齊家巷失火宜留神火燭年底親友送禮應
還應不收酌辦見時道謝紙紮差恐已塘要耽延至格少給喫

為要。若紙紮差到後，趕緊回信。藏中米糧貴，幸四月二十九日雨雪，可望收成。聯大人於四月初五日，出關奉旨，不准走海道，委員皆散去，不可解。到須秋天。趙大人打襄城，運去大礮為番子所搶，并刳營死人不少，萬不如馬提台用兵也。議約張大人有進藏之說，振勳得一男孩，其醜萬狀，真結實，竟不如父母好看。哈哈。等語。午飯飲酒，遂睡。晚飯後至園登台一望，轉洋務局均到。
(陰少晴多)

初三日早過鶴孫屋內談，化臣亦到商公事。午後過園閑踏，小兒等又在樹下搭布棚，茅廁漏，烏拉搗土不安静。整日孫糧務來，便衣著靴，外簽押房見。晚飯後至東院轉洋務局均到。
(晴)

初四日午刻拜發噶勒丹池巴代達賴喇嘛攢招事畢一切平安一摺巴塘難民託言至白馬貢已咨川督飭爾豐阻止一片碩板多千總王世昌叩辭午晚均至園珍珠鷄將雌者死去口流涎不知喫何物如此到洋務局均到（晴）

初五日早化臣來略談屋內較涼至西院看成做城隍神大轎非常華麗係衆巡捕辦理費款五百五十餘金過鶴孫屋內略談因接南路電報晚飯後至園登台一望轉洋務局均到惠臣玉甫亦來（晴）

初六日早化臣來倒燭頭一支一兩送到午後少韓鶴孫竹筠來各有公務日知錄看訖係自帶鶴孫送來洋板日知錄集釋實老

眼昏花竟不能看矣。晚飯後至園登台一望。轉洋務局均到。(半陰雷聲未雨晴)

初七日早午鶴孫均來商公事。晚飯後至園登台一望。大指前水已放下。另開路矣。午較熱。毡袄馬褂至洋務局均到。惠臣亦來。(晴)

初八日早化臣來。午後噶爾丹池巴噶布倫汪曲結布同來。因張懋伯到藏沿途夫馬并藏內公館請示一切。至園開踏晚飯後由外院轉洋務局均到。惠臣亦來。(晴)

初九日早鶴孫過談。午化臣竹筠來回公事。晚飯後過園看烏拉收拾花廳。牆已剝落。因碱火之過。轉洋務局均到。午頗熱。毡衫

祇祿坎肩。屋內尚可。（晴）

初十日午後惠臣海山來。為張大人進藏房間並應用款項。商上應承。已有頭緒。海山復同化臣來。接張大人巡捕掌家戈什哈派定帶來見。早晚皆至園開踏。晚到洋務局。均至。惠臣玉甫亦來。天較熱。（晴）

十一日早竹筠來辭行。平安亦來辭行。本定午刻啟程。馬未齊。候至未正方動身。午無事。晚飯後由西院轉南門外。過橋一望。見有拜郭拉者磕大頭。頭前畫一道。兩步邁至道上。又一頭。誠敬非常。至洋務局。均到。惠臣玉甫亦來。（晴）

十二日午後至園二次。花廳又鋪三合土。砸之。前次大雨已漏。此

處工不過如此。晚飯後至轅門外一看。磕長頭者仍不少。轉洋務局。均到。惠臣玉甫亦來。玉甫云。李二曲先生曾變野鷄飛在關中書院旗杆上。未免太不典。不敢問其所以然。可發一笑。彼處好水田。可賣五十餘兩。旱田竟五六兩。(半陰晴。午後數點雨)
十三日。昨晚忽接定日汛守備李福田插飛羽夾板給馬軍門。殊屬荒唐糊塗。只好批罵之。范湘梅有公事。亦為此件。午後至園。少韓鶴孫來商公事。晚飯後復至園。轉洋務局。均到。化臣惠臣玉甫亦來。(半陰晴。午微雨)

十四日。午後至園。少韓鶴孫商公事。二月初九日。奏摺奉批。迴鶴孫送來玻璃粉。廚房作涼糕。喫之頗爽。晚飯後至東院登台一

望轉洋務局均到惠臣玉甫亦來。小瑾代買醬瓜扁亮地套紅烟壺一枚價廿文尚不新。（半陰晴）

十五日辰刻恭謁磨盤山關帝廟行香。噶布倫均已昨日告假。今日早即須轉郭拉并至龍王堂糧務統領亦須次至彼彈壓。午後由西院至後園見水已三池見長。西池北岸下有泉眼三頗旺。晚飯後由外院轉洋務局見陣雨均到談。（半陰晴晚雨）

十六日午後均至園池内生紅閘草未審仍變綠否。午後惠臣海山來放青稈銷差。聞達賴喇嘛與哲布尊丹巴頗牴牾皆左右不得其人達錯居多。化臣將哲照相拿來一省。比達仍年小。晚至洋務局均到惠臣玉甫亦來。（半陰晴晚微雨山見雪）

十七日午後至園轉西院。看城隍神大轎均收拾齊其華麗無比。不但京內未曾見。即外省亦未之見。化臣來回公事。接廓爾喀國王來稟。應進貢品於六月初一日起程。晚飯後復至園轉洋務局均到。（半陰晴）

十八日早起覺涼。至東院一踏。午刻復至。送扎什城轎子。前有傘有香爐且有音樂。沿途竟有打問訊燒香者。真無理取鬧。與少韓登台望之。實為可笑。至園閑踏。化臣來。囑必丹送到洋喇嘛一對。萬不肯領價。乃其弟新帶來者。只好交洋隊收之。晚飯後復至園外水已入。幸清不污。轉洋務局均到。惠臣玉甫亦來。（半陰晴）

十九日巳刻至園。孫玉甫約座中恩惠臣江少韓余鶴孫吳小瑾李海山劉化臣飯後進內。因酒醺并飲略睡。晚飯後復至園轉東院回。（半陰晴燈後微雨）

二十日早無事。午後周統領送到洋酒等物。賞之。然酒之何性不知也。馬守備送到香鑪海沫等物。賞之。均在不倫不類之中。可發一大笑。晚飯後至園轉洋務局。均到。惠臣玉甫化臣亦來。多日番家求雨總未下。聞小兒出天花者已有。（半陰晴）

二十一日辰正策騎至公布堂柳林。化臣約到時略坐。柳林外設座。看洋隊打牌。回坐抱廈。收拾甚好。在外下帳房聽弦子。仍是絳巴竹馬等。有大書房進抱廈用早飯。復到帳房。晚飯即在此擺。

痛飲醴已入醉鄉。仍策馬而回。到署已戌初矣。座中少韓惠臣
鶴孫玉甫海山。無外客。
(微風晴)

二十二日。早鶴孫來談。午後少韓惠臣化臣海山先後來回公事。
至園一踏。娥珠近來頗不聽話。因嚷罵一陣。湯徭喜洛等難免
搬弄是非。均行逐去。只留張安一人。令乃心已另換了頭當差。
乃心已進內叩見。須明日方能找得。晚飯後至洋務局均到。(晴)
二十三日。午後迎廓爾喀差。吳鼎元守備蕭必達教習帶領兵丁
學生來敬見。化臣來。媚柳亦來。送到喫食并雜木雜鴉盤一個。
甚好。收之。晚飯後轉東院登臺一望。有風。至洋務局均到。惠臣
亦來。
(晴小風)

二十四日早鶴孫過談并商酌公事即時擬底有應覆者午後正
雍頭王永福拿來雜木雜鴉盤一個留之價五十文有眼昨得
者眼不真也晚飯後出南門一踏橋下泉水甚旺轉洋務局均
到惠臣玉甫亦來（半陰晴風燈後雨）

二十五日早外簽押房會拉里孫玉甫糧務辭行於明日走旋遣
人差送後聞夫馬未必齊恐不能即行早午晚過園閑踏因淋
燒酒酒甚好聞著過一次其力量可觀矣至洋務局均到昨夜
大雨（今日半陰晴）

二十六日定日汎守備周克先來謝扎午後至園同鶴孫出後門
順郭拉路踏至千佛崖欲上因路滑未敢在小橋旁樹下略歇

回時藏河邊歇息。遇釣魚者購魚三尾。作兩尾白魚。與鶴孫分食之。其紅魚給家人食之。大有趣。晚飯後轉東院登台。至洋務局。均到。惠臣亦來。
(昨夜又大雨。今半陰晴)

二十七日。聞昨日孫糧務因夫馬不齊未能行。今日午刻纔走。午後兩句鐘。約鶴孫小瑾至對面柳林看水。甚旺。并釣魚。衛隊得魚賣之。見南山大有雨意而回。約少韓鶴孫小瑾化臣在洋務局食魚。回至園內一踏。
(半陰晴數點雨)

二十八日。早化臣來帶馬友龍之子來見。已能鈔謄繕寫。即派入大書房。可以學習。鶴孫來為公事。并略談。午後至園。黃鴨已將其七子帶入北池內游泳。大有趣。晚飯後復至園。小鴨子乃號內

小娃子在藏河飲馬捉來恐大鴨子不來難於養活也至洋務局均到惠臣亦來聞趙觀察有敗仗至江卡之說未知確否。
(半陰晴將至日落有雷小雨)

二十九日巳刻約惠臣少韓鶴孫海山小瑾化臣在後園喫燒豬燒鴨頗為爽快申初後同鶴孫步踏至東院菜園喫菜蔬甚佳其西屋挂一刻匾乃怡性小園為松留守滯前駐藏時所書聞每日飯後必到此閑坐也回時酉初先風後雨幸未遇雨鶴孫晚飯後過談。(半陰晴晚雨)

三十日早將所硝皮子拿來沙狐多狼皮三張猴兒皮套褲亦硝得午後鶴孫來談並送詩來看晚飯後至南門外一看橋下已

見水由藏河通過。見兩小孩乃達賴侄女。像均有福。轉洋務局均到。惠臣亦來。（一日雨。有微晴時）

五月初一日。早王永福半文錢購得財神經一部。據云番語中謂無財不可妄想。有財不可亂用。甚得理財要義。非內地徒犯財迷而已。一笑。午後覺睏。因五鐘餘即起。辰刻恭赴大招萬歲牌前行禮。故至園閑踏許久。回時馬竹君由靖西送到王瓜一個。南瓜一個。茄子四個。茄子白色四個。不如王瓜一個大。王瓜一個黃色。如近日水烟二文一斤。火紙一刀五文。此兩事告內地人。必不信也。殊可笑。晚飯後至園。轉洋務局。均到。惠臣亦來。惠臣云。早間站班聞李海山說。德隆沙布隆云。大招前大臣下轎處。布